



"OS BOLOS DO LOCAL" 2022

1-INTRODUCCIÓN

O Local de Música, pertencente ao Departamento de Xuventude do Concello de Pontevedra, promoven "Os Bolos do Local" para apoiar á escena musical emerxente da cidade e poñer en valor a creación musical de base organizando unha serie de accións formativas e eventos musicais en rúas e prazas da cidade.

Os obxectivos principais son:

- Ofertar unha proposta formativa integral para axudar aos grupos de Pontevedra a estruturar un proceso de traballo e de mellora sobre o proxecto artístico.
- Presentar á comunidade unha mostra da escena musical independente en espazos emblemáticos e representativos da cidade.
- Ofrecer aos grupos noveis oportunidades para estar en contacto co mundo profesional, darse a coñecer e desenvolver a súa carreira artística.

2-EN QUE CONSISTE

Os Bolos do local son unha serie de **accións formativas** orientadas á mocidade que desenvolve actividades musicais en Pontevedra.

Os grupos seleccionados participarán nun proceso formativo e de mentorización, adaptado segundo o estado do proxecto artístico.

Poderán apuntarse ao proceso unha ou varias persoas compoñentes dos grupos para as formacións.

As accións formativas dividiranse en dous niveis:

- **Proxecto "Serán de Tralla":**
 - Inicial-básico-novel.
 - Consiste nun asesoramento personalizado para as bandas que están a empezar. As sesións serán individuais de forma presencial ou online. O proxecto remata cunha actuación final para poñer en práctica as melloras formuladas.
 - Sesións individualizadas do 28 xuño ao 13 de xullo.
 - Práctica/actuación: **Serán de Tralla** 14 xullo. Local de música.



- **Proxecto “Son da Serea”:**
 - Medio-pre profesional.
 - Consiste nun proceso de formación e mentorización sobre os temas máis importantes para poñer a andar o proxecto musical. Dirixido a bandas e solistas con certa traxectoria pero sen dar o salto profesional. En formatos presenciais e online. Remata cunha actuación para poñer en práctica as melloras formuladas.
 - Xornadas de formación presencial: 4 e 5 de xullo.
 - MENTORING. Do 6 ao 22 de xullo.
 - **Práctica/actuación: 26 de xullo de 2022. Praza de Curros Enríquez.**

Materiais didácticos:

- Os grupos seleccionados para “*Son de Serea*” disporán dun **saldo de 250 euros** para a compra de elementos que melloren a súa proposta artística.
- En calquera caso, acordarase coa organización a utilización destes fondos.

3-PARTICIPACIÓN.

Poderán participar todas aquelas bandas ou solistas con compoñentes con idades superiores aos 16 anos sempre que polo menos un compoñente do grupo estea empadroada/o no Concello de Pontevedra.

As persoas compoñentes dos grupos menores de idade afirmarán ter o consentimento de pais/nais ou titores no momento de inscribirse. En caso de resultar seleccionadas/os solicitaráselles unha autorización formal, firmada e por escrito.

A matrícula da formación será totalmente GRATUÍTA.

4-DATAS e FASES.

- Pre-Inscripción. Até o 17 de xuño de 2022 ás 23:59h.
- Selección: 18 de xuño de 2022.
- Confirmación de bandas e calendarios: 20 de xuño 2022

5-INSCRICIÓN

As inscricións poderán facerse unicamente desde un formulario en liña na web do Local de Música (<http://localdemusica.gal>).

<https://forms.gle/JhfcbEFvV27TsvLF9>

A data límite para a recollida de inscricións será o 17 de xuño de 2022 ás 23:59h.



6-DATOS PARA A PRE-INSCRICIÓN

O formulario solicitará os datos principais do grupo e dos seus compoñentes.

Como información chave para preselección do xurado, haberá que presentar:

1. Descrición breve do grupo e traxectoria, traballos,...
2. Como información complementaria deberán poñerse ligazóns de interese: Audios, vídeos, redes sociais, web,...

A organización poderá subir e compartir a información dos grupos apuntados ou outra que considere de interese nos seus espazos de difusión web (redes sociais, blog...)

7-SELECCIÓN

O local de Música exercerá de oficina técnica do proxecto e valorará a información enviada polos grupos. A organización comprobará que as bandas inscritas cumpran os criterios das bases. Aquelas que non teñan a información solicitada non serán admitidas. A preselección consistirá nunha revisión do material solicitado de cada un dos grupos presentados.

Terase en conta

- A calidade técnica e musical.
- A profesionalidade e consistencia do proxecto musical.
- A traxectoria e accións de promoción do grupo.

No caso de empate, teranse en conta os seguintes criterios:

1. Somos galegas e galegos. O noso idioma é, unha vez máis, a chave coa que abrir moitas portas. O uso do galego será un factor moi importante.
2. Cremos nun mundo feminista, no que mulleres e homes somos iguais. Por iso, que as formacións estean compostas por persoas de ambos os dous sexos será tamén outro dos factores a ter en conta.

A organización colgará información sobre os grupos seleccionados nos seus espazos de difusión web.